

Date – 25/10/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Art & Culture Minister Pu C. Lalsawivungan vawiin khan Mizo Typical Village, Falkawn Zokhua ah Living Museum a hawng.
- 2. Khawdo Pawi 2025 vawiina Aizawla buatsaih chu Agriculture Minister Pu PC Vanlalruatan a hmanpui .
- 3. Ramchhunga GST tlakhniam avanga ei leh in man tlahniamin Mizoramah pawh mipuite tan hlawkna tam tak a siam mek.
- 4. Union Health & Family Welfare Minister, JP Nadda-a’n ramchhung hmung hrang hrangah medical college 819 a awm mek tih a sawi.



ART& CULTURE MINISTER

Art & Culture Minister Pu C. Lalsawivungan vawiin khan Mizo Typical Village, Zokhua, Falkawna Art & Culture Department buatsaih Living Museum a hawng.

Minister chuan Living Museum buatsaih anih chhan chu thangtharte’n pipute khawsak dan leh nunphung an hriat thar nan te, tualchhung mite leh thalaite tana sum lakluhna hnar atan te, zinmite’n Mizo kutchhuak an hmuha an lei theih nan leh Mizo nihna leh hnam zia an zir theih nan a pawimawh thu a sawi a. Ei leh in pawh Mizo taka buatsaih a nih a, Living Museum chu tihchangtlun a nih chhoh zel a beisei thu a sawi a ni.

Live Museum Show hi a bul tan nan kartin Inrinni apianga neih tura ruahman a ni a. Art & Culture Department chuan heng ni – October ni 25, November ni 1, ni 8 leh ni 15-ahte hian Live Museum a buatsaih phawt ang a, a tul dan azira buatsaih chhunzawm zel tur a ni.

Mizoram State pawn atanga khualzin lo lut an pun belh zel avang te, tualchhung mipuite Local Tourism-ah kan harh thar zel avangtein chu’ng mite en tur leh chhim theih tur chuan Mizo Culture leh Tradition chawilar zel nan Live Museum hi buatsaih a ni.



ADVISER TO CM

Adviser to Chief Minister Dr. Lorrain Lalpekliana Chinzah chuan Lairam chu ruihhlo leh sualna hrang hrang avangin a damlo mek tih a sawi.

Vawiina Central YLA Hall, Lawngtlaia Lai Women Association Lawngtlai-III Silver Jubilee a hmanpuinaah he thu hi sawiin Lawngtlai East Bialtu MLA ni bawk, Dr. Lorrain Lalpekliana Chinzah chuan Mizoram sualna hrang hrang do turin nu ber ten theihtawp an chhuah chuan awmzia a neih ngei a beisei a ti a. Lai Women Association te pawhin siamthatna thawk turin mawhphuhna lian tak an nei a ti bawk.

Adviser to Chief Minister chuan Lai Women Association, hmalakna chu hmuh hmai theih a ni lo tih sawiin inchhungkhur, khawtlang leh ram tan hmeichhe pawimawhna chuan hniamlam aiin sanlam a pan zel tih a sawi a. Lai Women Association chu hmeichhiate zahawmna leh dikna chanvo humhalhtu pawl pawimawh tak a nih rualin, chhungkuaa zirna bultanna leh tawp chhin neilova kawngdik zirtir hna thawktu chu hmeichhiate an ni tih hrenawn turin a chah bawk a ni.



KHAWDO PAWI

Khawdo Pawi 2025 vawiina Aizawla buatsaih chu Agriculture Minister Pu PC Vanlalruatan a hmanpui a,

Vawiin khan Bawngkawn South YMA Hall-ah Zomi Cultural Society Gen Hqrs. Mizoram leh Zomi Cultural Society Aizawl Joint Committee tangkawp chuan“Khuado Pawi 2025” hi an buatsaih a, Pu PC Vanlalruata chuan Zofate Jerusalem Mizorama fuankhawm Zofate chu Mizoram tan thil tha ti a malsawmna ni turin a sawm a ni.

Mizoramah chhim, chhak, hmar leh thlang atangin Zofate kalkhawmin an chengho a, sorkar pawhin Zofate hmasawmna tur ngaihtuahin theihtawp a chhuah thu leh mipui thlawpna a pawimawh thu a sawi a ni.

ZCS General Headquarters Functional President Pu T Thang pawhin thu sawiin Mizorama NGO hmalakna a bik takin YMA te chetvelna hrang hrangah neitu chan chang turin kalkhawmte a chah a, ruihhlo leh khawtlang duh loh thilte laluttu ni lo a, a dotu ni zawk turin a sawi a ni.



MNF PRESS CONFERENCE

MNF party chuan Assembly in Forest Conservation Amendment Act a lo pawm tawhna official resolution hnuhkir a nih leh theih nan Special Assembly ko turin Chief Minister an ngen nawn.

Vawiina MNF Legal Board in Aizawl Press Club-a chanchinbumite an kawmnaah MNF party Legal Board Vice Chairman Pu Lalpianfela Chawngthu chuan he thu hi sawiin YMA inkhawmpui lian palaite hmaa thudiklo sawiah Chief Minister chu a puh bawk a ni.

FCAA 2023 Mizorama hman ve a duh leh tak thut chhan sawifiah tumnaah Chief Minister chuan Central sorkarin ram venhimna changchawia Mizoram chhung,

a duhlai apianga hma a lak theihna tur chin, ramdang nena inrina atanga boruaka teha km. 100 chin tih FCAA 2023-a tarlan chu km 10 chin chauh angin a sawi a tih a sawi a ti a.

Hei bakah hian Central sorkarin sipaite bu khuarna tura ram hectare 10 chin, forest clearance buaipui ngai lova rawn luah theihna tur pawh Left Wing Extremist te awmna state chauh huam tur ang leh Mizoram huam ve lo angin dawt chiang tak a sawi bawk a ti a. Pu Lalpianfela chuan Left Wing Extremist te awmna state-a sipaite hmun khuar theihna tur hi chu a hranga tarlan niin, hectare 5 aia zau loah tih a ni zawk a ni a ti.

Chief Minister chuan, hei hi duhtawh lo a sawiin, guidelines lo chhuakah ram venhimna changchawia Central sorkarin hma a lakna turahte State sorkarah dil phawt tur a nih thu leh State thuneihna a sang ta a ni tiin thudiklo a sawi a ni a ti a. Guidelines ah hian state sorkarah dil tur tih reng reng a awm loh thu leh thuneihna tawp chu central sorkar kutah zel dah a nih thu a sawi a. Guidelines Para 28 ah chuan Central Sorkarin a tul ang zelin, state sorkarte hnenah hmalak dan tur a hriattir ang tih tarlan a nih thu leh, FCAA 2023 Rules a ni emaw, Guidelines a ni emaw, thuneihna tawp chu Central sorkar kutah vek thu a sawi a ni.

CM pawhin a hriat chian lo dan, Mizorama hman a nih ve theihna tur official resolution Assembly House- ah a naute a pass pui ta mai chu vanduaithlak hlea an hriat thu MNF Legal Board Vice Chairman chuan a sawi a. Assembly in a lo pawm tawhna official resolution hnukir a nih leh theih nan Special Assembly ko turin an ngen nawn tih an sawi a. MNF in tun thla ni 29-a total bandh a huaihawt tur chu Zoram mipui zawng zawngte ram leh hnam tan a ni tih hria a, thlawpa tawiawm theuh tura an ngen thu a sawi bawk a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



GST 2.0

Ramchhunga GST tlakhniam avanga ei leh in man tlahniamin Mizoramah pawh mipuite tan hlawkna tam tak a siam mek.

Aizawl Zarkawta KFC Shift Manager Pi Tamar Lalremruati chuan sorkarin GST rate thar a hman hnuah an eitur zawrhah pawh mipuite tan hlawkna tur tam tak a awm thu a sawi a. An thilzawrh tam tak man a tlakhniam thu sawiin tlem azawng lei chuan a man tlahniam hi a lang vak lo na a a tam tham lei chuan nasa taka a man a hniam tawh thu a sawi a. Nidanga an thil hralh thin man aia hniam daihin mipuite chuan ei tur tam zawk an lei tawh tih a sawi a ni.

Pi Tamar Lalremruati chuan anmahni mai bakah an ni anga ei leh in franchise- a zuar leh anmahni company hotu lu te hnuaia ei leh in zuar hrang hrangteah GST rate thar chuan danglamna tam tak a tha zawnga a siam thu a sawi a. Nidanga an

hralhchhuah zat man hmuh a har hret thu leh hei hi man man zawka mipuite ei leh in tam zawk an lei theih vang a nih thu a sawi a. Mipuite chu he GST thar avanga ei leh in man tlawm zawk hmang tangkaia ei leh in te hlawk zawka lei zel tura a sawm thu a sawi a ni.

Byte of Tamar Lalremruati

Khwezawl Zone a Asst Commissioner of State Tax Pi Julie Lalremsiami chuan GST dan thar chu Khawzawlah dawrkai engemawzat in an zawm tawh lain khawpui liante angin GST in tualchhungah nghawng ala neih tamloh thu a sawi.

Pi Julie Lalremsiami chuan Khawzawl chu khawpui liante angin wholesale dawr lian hmun dang anga che lawih tham an la awm loh avangin dawrkai ten an dah khawl sa neih te a man ngai angin an kal tir a ti a, tun thla chhungin bungraw stock-te chu an hralh zo hman tura ngaih a ni tih sawiin thla thar lamah chuan GST rate thara an kal theih a beisei a ti a, survey pawh an neih vat tur thu a sawi.

(BYTE)
Khawzawlah hian dawrkai hrang hrang ten GST Rate thar chu a theih angin an zawm thu an sawi lain mipui lam atang erawhin thil manah danglamna ala awm lem lo nia thu dawn a ni a. Mizoram Counsumers Union Khawzawl District hruaitute pawhin Taxation Department lam inpeih hunah dawr hrang hrang endikna an nei dawn tih an sawi ve bawk.

<><><>
JP NADDA

Union Health & Family Welfare Minister, JP Nadda-a’n medical zirna lama ramin hma a sawn chhoh dan tarlangin tun dinhmunah medical college 819 a awm, a ti a, undergraduate medical seat pawh sing 5 sang 1 atangin nuai 1 sing 2 sang 9-ah a pung chho tawh a ni, a ti.

He thu hi New Delhi-a All India Institute of Medical Sciences (AIIMS) convocation wawi 50-naah sawiin post graduate medical seat pawh sing 7 sang 8 thelh a tling chho tawh a ni, a ti.

<><><>
MANN KI BAAT

Prime Minister Narendra Modi-a’n naktuk Pathianni chawhma dar 11-ah hian Akashvani-ah Mann Ki Baat hun a hmang leh dawn a, tun hi radio-a hetiang hun a hman wawi 127-na tur a ni.

Prime Minister thusawi hi Akashvani leh Doordarshan network zawng zawng bakah AIR News website leh Newsonair mobile app-ah te tih chhuah a ni ang a, AIR News, DD News, PMO leh Ministry of Information & Broadcasting YouTube channel-ah te tih chhuah a ni baw k ang.

<><><>